

58928

商志 179

屯留縣志

重脩屯留縣志序

續錄



志繼史而起者也所以彰  
往詔來脩觀覽而示儀型  
其義與史相類故叢爾之  
乘載鱗次而登藏諸

天府使

屯留縣志

序

一

宸鑒所臨不下堂階而一方山

川之險易則壤之肥瘠名

流淑媛之芳規懿躅無不

瞭然如指諸掌皆於志手

藉之厥典不綦重哉屯邑

舊志纂自明嘉靖乙未至

國朝康熙癸丑邑令屠直復  
次第脩舉之凡所以記其  
形勝列其戶口表揚其人  
物風範者亦旣著有成書  
是以信今而傳後矣然自  
癸丑至今五十餘年來雖  
風景不殊而乘除旣易新  
舊改觀文章節義之流又  
層見叠出使未悉舉而登  
諸簡冊所謂彰往詔來者  
殊覺闕畧未備採風者寧  
無遺憾歟茲奉

上命催取各府州縣志以纂脩  
大清一統志當此而網羅放失  
顯微闡幽令有美之畢彰  
以礪世而範俗非守土之  
責而誰責耶顧念余蒞任  
未久耳目有窮兼以鞅掌  
簿書未能操觚從事爰進  
邑紳士而告之曰縣志與  
國史皆以傳信也作史者  
必秉孤鱗之直筆擅班馬  
之宏才迺足令往事可徵  
來許可據今志亦猶是也

諸君子單厥心事貴詳而  
覈文貴典而要無阿私無  
遠嫌凡所增益必有實蹟  
可徵毫無疑義者始登諸  
簡苟空言無據寧與盟密  
夏五之傳疑同其慎重以  
無負

聖天子命臣纂脩之盛典諸紳  
士咸喻是志相與矢公矢  
慎共圖厥成肇始於己酉  
脫稿於庚戌余取而閱之  
見其綱舉目張舉一邑風

土人物釐然在目將五十  
餘年之乘除改觀者復於  
茲而彰明較著也因筆數  
言以弁之簡端云

昔

雍正歲次庚戌菊月之吉辛

卯科舉人知屯留縣事甄  
爾節撰



修志舊叙

志典之關於世亦綦重哉上而帝王則稱天以志下而公卿士夫則考行以志爵服以榮其身聲稱以表於後此創制之意所以界其封疆建其戶置列其筭服著其勸鑒者欲使天下後世核其生平考其事實咸得是則而是微焉志典之關於世不綦重哉是知志也者志前人之所已志正以志前人之所未志間嘗流覽邑乘自明嘉靖以迄於今百有餘年紳士節烈蔚蔚多品志典未修幾致沉淪我

屯留縣志

舊叙

一

皇上優賢慕義

諭修志與令百里之內若紳若士若孝子若義夫若節婦不忍使一代偉人湮沒無聞誠盛舉也余癸丑春奉

命補邑茲土疆域民情尚未盡請賢士高踪亦未多觀余何叙亦第察其形勝稽其古蹟考其往哲而列言之則有巉山鼎峙如蕃而絳水廻環若帶者焉則有鳳凰峰高拱於西而金龍池凝滯於東者焉進而藕澤之與寶適善俗敦本者在是履其地者因以慕其

人鮑忠之與路義錫封受祀者何遠思其人因以慕  
其地以至名賢輩出不可殫述節孝踵起不能悉舉  
爲約言其概惟願後之君子觀感而興焉奮發而效  
焉亦如鮑之忠路之義名賢以之自任節孝以之自  
期例得上告

天子沒者祀於祠生者旌於門斯誠嶮之靈也絳之秀  
也鳳凰峰之耀彩金龍池之呈瑞也則人賴地以志  
而地因人以重人材之盛不誠可徵可信歟聊筆數  
語謹以贅之集端云爾

屯留縣志

舊叙

二

康熙乙卯仲春

賜進士出身知屯留縣事樂城屠直撰

國有史省郡州縣有志制也凡以昭往示來俾稽古者得以鑒觀考索一展卷而千百載之興廢污隆如指諸掌豈細故哉修史者必約而該核而詳深而不晦質而有章此良史也而志之所貴亦如之夫前事之不忘後事之師也使襲譌而不察其非承舛而不易其弊文或失之華紀或失之冒皆非所以昭往示來而垂鑒勸也屯邑乘纂自明嘉靖己未歲但內多錯亂無序或濫而罕徵或遺而罔究識者病之迄今百餘載未有留心於此者康熙癸丑歲邑侯屠公奉命來尹屯留甫下車即詢父老凡當興當革者合悉言無隱將次第修舉之未幾奉

上命催取各府州縣志將以纂修

大清一統志候遂進紳衿父老而諭之曰志者誌也凡以紀實也自明嘉靖迄今百有餘歲其間時事即耳而目之猶虞漏遺矧長年易謝掌故無徵後千萬禩謂傳信何遂令士民廣搜博採更稽諸山西通志潞安府志杜氏通典爾雅文獻通考山海經故明一統志玉海天中記五代史隋史等書凡有關於屯邑

者雖片語必錄叅訂互考內有實跡可徵者無不載  
空言無據者勿妄登有載於舊志而於通志他書無  
憑者則裁之有舊志遺忘而於通志他書有據者則  
增之其中建置沿革山川形勝田賦戶口經費土產  
公署古蹟名宦鄉賢道德事功忠孝節義歌詠文章  
仙釋流寓曲藝方位輒分門別類闡幽晰明臚列星  
布燦然大備則信乎約而該核而詳深而不晦質而  
有章雖古良史何夤讓焉至其文班馬而筆董狐蓋  
其素所蓄積者然也侯之惓惓於志也如是則凡利

屯留縣志

舊叙

四

之當興害之當革者將次第而修舉焉異日者侯晉  
西臺侍

聖主著作益鴻且鉅而此志特履端云爾侯不以奇之  
不才得與其事而樂觀厥成是役也肇始於癸丑脫  
稿於乙卯敢不闡揚一言使後之觀此志者知成之  
不易他日嗣侯而起者亦如侯之殫厥心焉則此志  
也不永爲一邑之信史哉

康熙歲次乙卯仲春原任浙江台州府寧海縣知縣  
邑人孫奇撰

夫志其史之遺乎古之制也不可廢也語曰史有三  
長志有四弊知此而後可以言志矣吾懼良史之不  
可見也得見信史斯可矣是故喜溢而罔辨者非也  
諛奸而黜良者惑也不擇定理而惟文之溢者狂也  
顯明而忽幽者昧也有一于此卽不足以信今况傳  
後乎故曰志之所係猶夫史也茲聞屯乘嘉言懿行  
必考其寔遠山遙岑必求其詳誠信史也夫信則必  
傳如是謹拓雲巾張擘撰

屯留縣志姓氏

知縣金明甄爾節竹亭鑒定

教諭金城馬克述昌作

訓導秦春張含哲本明全校閱

邑歲貢生孫肯獲介眉

邑恩貢生徐道源流長

邑學生孟獻璋奉之

邑學生常行其恕

邑學生楊休毅夫

屯留縣志

姓氏

六

邑庠生羅煥章文蔚全編次

督工

禮房楊師博

工房靳世梅

上黨李玉珩書

璋

王琮全

重修屯留縣志凡例

一邑乘猶國史匪可臆創必廣搜博採始克成書茲考諸山西通志郡志等書摘段摘句確有明徵據實登載稍涉疑似概不敢錄

一舊志綱目似紊茲特標天文地理建置政事人物備考藝文為七大綱分門別類臚列條目至有其事其義本相聯屬不必另列者各以類相從概附於其後

一舊志多缺遺茲攷諸府志準以

屯留縣志

凡例

七

當今功令有關治體者如兵防郵遞烟墩汛地鄉甲戶口稅課儲蓄農官學田等項分類補入

一各條目必書小引以冠其首雖以明作者之意亦以便後日之觀覽舊志所原有者則仍之間有列其目而缺其引及新增款項皆謬弁數言以示畫

一

一藝文條目雜出各項為引則太繁冗惟以一引統之簡端非敢故為缺畧蓋因體雖殊而其為義則一故也

一分野舊志止有於宿圖說似畧而未備茲遵一統志采唐史補錄非與畢昂等宿疾脩參考足驗災祥

一山川疆里一邑之風氣攸關雖歷久不變前志頗舛錯今悉改正

一田賦除照賦役全書外詳查康熙年間至雍正八年止歷年開墾民屯起科田糧悉鱗次補入

一名宦鄉賢係奉

上命催取義不容缺茲於呈舉在案 國恩未逮之際

屯留縣志

附例

八

先據實續錄以俟

題請

一忠臣舊志所缺今奉

上諭建祠崇祀特從名賢遷徙科貢志中摘出三人以副

國恩

一孝義節烈載在舊志備實悉錄其新入者必核其行實考其歲月務求合例而後登斯編蓋不敢沒人之善亦不敢以一己之好惡爲百世之是非也

一前代誥勅似不可以藝文目之然亦文類也故紀藝文而以

御制先之他若各公式臨偉儒問出前後接踵代不乏人其間昌言宏論不啻累牘連篇謹摘其有關於政教風化者始入茲集

一志必有圖以備觀覽舊志楮板模糊缺畧舛錯今命工重繪補縣治教場二圖臨民出政揆文奮武之所俱瞭然在目

一志經數十年而一修人以世傳事以口增先修者

屯留縣志

凡例

九

於楮板之上不留餘地則後修者勢不得不首尾重刊而剗削爲難是書每篇之終各餘梨棗半幅以待後之補綴按款添註自易易也

一是書提綱分目間有未協體裁及刪削浮詞尚有未盡者裁酌損益以俟後之人云

屯留縣志目錄

卷之一

天文志

星野 附圖象

祥異

地理志

疆域

山川

建置志

建置沿革

封建

城池

公署 附義倉  
演武亭

屯留縣志

目錄

十

職官

學校 附學田  
教職

羣祀

驛傳 附驛丞  
郵遞

兵防 附外委  
汛地 烟墩

橋梁

卷之二

政事志

田賦 附屯田  
戶口

儲蓄 附養  
濟院

課程

鹽法

坊里

鄉甲 附市  
鎮

風俗 附七  
音

人物志

選舉

名賢

忠孝節義

科貢

附例貢  
雜職

隱逸

流寓

遷徙

封廕

附壽官  
農官

卷之三

備考志

古蹟

附八景

寺觀

附僧道  
會司

牌坊

陵墓

附漏澤  
園

屯留縣志

目錄

士

仙釋

方伎

附醫學訓科  
陰陽訓術

羣材

藝文志

御制

碑記

跋

論

辯

命

箴

歌

卷之四

賦

墓誌銘